

COMUNU DE FURTEI

PROVÌNCIA CAMPIDANU DE MESU

Bia Circonvallazione 29 - 09040 FURTEI (Campidanu de Mesu)

(Tel. 0709303733 - Fax 0709305035 - Còdixi Fiscali 82003600929)
protocollo@pec.comune.furtei.ca.it



AVISU DE SELEZIONI DE N. 2 GROUP LEADER SCÀMBIU GIOVANILI BILATERALI A FURTEI

S'Assessorau a is Políticas giovanilis, fait una seletzioni po agatai n. 2 group leader po sa partecipazioni a su progetu de scàmbiu giovanili bilaterali "Face the future" ca s'at a fai a Furtei de su 23 a su 29 de donniasantu 2012.

Su progetu, cofinantziau cun su Programa comunitàriu Gioventudi in Atzioni (Atzioni1.1 scàmbius giovanilis), tenit su scopu de promovi sa creatividadi e su sentidu de imprenditorialidadì intra is giòvunus po mèdiu de atividadis de educatzioni no formali (simulatzionis de creatzionis de impresa, workshop sa comunicatzioni interpersonali, is tècnicas de autopresentatzioni, su project management ecc.).

A s'acabada de su scàmbiu at a èssiri donau a is participantis su certificau europeu Youthpass, balidu po s'arriconota de is cumpetèntzas tentas e/o amannias gràtzias a sa partecipazioni a su progetu.

RECUISIUS PO PARTECIPAI A SA SELEZIONI

- residèntzia me in sa Provìncia de su Campidanu de Mesu
- conoscèntzia de is fundamentas de sa lingua inglesa
- conoscèntzia de is tècnicas principalis de aprendimentu no formali,
- tènniri giai esperièntzias me in sa gestioni de grupus de giòvunus eterogèneus.

MANERAS DE PARTECIPAZIONI A SA SELEZIONI

Po partecipai a sa seletzioni si depit compilai su mòdulu de pregunta alliongiau a custa manifestatzioni de intaressu e si depit mandai po posta eletrònica a s'indiritzu mail: demografici.furtei@tiscali.it impari a su curriculum vitae in formau europeu e a una litera de motivatzioni o donada a manu me in s'Ufitziu protocollu de su Comunu de Furtei intra e no pustis is **11.00 de mangianu de su 9 de donniasantu 2012**.

SELEZIONI DE IS PARTECIPANTIS

Sa seletzioni, ca at a èssiri unu collòciu de verìfica de is cumpetèntzas, s'at a fai me in su Chioscu Comunali **Mèrcuis 14 de donniasantu 2012** a is **15.30**.

Sa seletzioni at a tènniri contu de su curriculum, de sa motivatzioni e de s'intarressu a partecipai a un'esperientzia de scàmbiu interculturali, e puru de sa conoscèntzia de is fundamentas de sa

lìngua inglesa, indispensàbili po partecipai a manera ativa a totus is atividades previdias de su progetu.

GRADUATORIA

Sa graduatòria de mèritu est una scèti e est formada segundu s'òrdini decrescenti de su puntègiu tentu de is candidaus me in sa prova seletiva, cun prioridadi po is giòvunus residentis a Furtei.

Sa valutatzioni de sa prova seletiva, de custa is scedas ant a èssiri fatas pùblicas po mèdiu de su ddas apicai me in s'Albu Pretòriu on-line de su Comune e me in su situ web istituzionali, at a èssiri fata a giudìtziu insindacàbili de su Coordinadori de su progetu scerau de s'Aministratzioni Comunali.

A is participantis seletzionaus at a èssiri donada sceda intra su 16 de donniasantu 2012.

Su mòdulu de pregunta est a dispositzioni de is intaressaus me in su situ web de su comune a s'indiritzu: www.comune.furtei.ca.it

MANIXU DATUS PERSONALIS

Is datus arregortus ant a èssiri manixaus, puru po mèdiu de strumentatzioni informàtica, segundu su chi narat su D.Lgs. 196 de su 30/06/2003, scèti po is finalidadis acapiadas e chi serbint po custa procedura.

Furtei, su 29.10.2012

Su Responsàbili de su Servìtziu
Torlini Maria Teresa